

水向西陵石根蘭芷香無價雲頂松杉翠作層人事天機古難料詩成試語定中僧

武侯祠

數椽寥落白雲封古柏森森積翠濃臣主羈孤終意氣干戈經濟尚從容邊關那得傳流馬古廟猶疑隱臥龍民力西南今更竭經營何計步奇蹤

謁武侯祠 四首

吳之皞

奉命來西蜀停車拜武侯故山猶在望千古若相求魚水隆中意風雲渭北愁不知何感慨淚與水東流

又

道藏輯要

忠武侯集詩

冕

星集四

出谷吟梁父飄然仙子顏一朝來白帝六出到祁山愁積青城雪腸迴岷水灣蜀民常永歎丞相不來還

又

古今多將相誰者是吾師意氣如公巨文章似楚辭談兵無敵手立政有奇思何處求肝胆風霜上古祠

又

翠柏尚陰陰西風吹好音依稀行役地寥廓古賢心戰伐事已往英雄氣尚生山川殊自好感往意何深

武侯祠

李仙品

五丈原荒未可尋獨留遺廟倚江岑由來西土嚴堪治卻恠南